

brosius cum interesset, martyris clauos, sanguinem
 triumphalem, & crucis lignum se collegisse refert,
 ac sub sacris altaribus condidisse. Eodem die nata-
 lis sanctorum Philologi & Patrobæ, sancti Pauli
 Apostoli discipulorum. Augustoduni sancti Procu-
 li martyris. In Pago Vilcasino sancti Clari presby-
 teri & martyris. Ephesi sancti Porphyrii martyris
 sub Aureliano Imperatore. Myræ in Lycia sancto-
 rum martyrum Nicañdi Episcopi, & Hermæ pre-
 sbyteri, sub Libanio Praside. Eodem die natalis san-
 cti Pierii presbyteri Alexandrini, qui in diuinis
 scripturis nobiliter eruditus, vita purissimus, & ad
 Christianam philosophiam nudus penitus & expe-
 ditus, sub Caro & Diocletiano Principibus, regen-
 te Alexandrinam Ecclesiam Theona, florentissime
 docuit populum, & diuersos tractatus edidit: post
 persecutionem vero omne vitæ suæ tempus Romæ
 versatus, in pace quieuit. Apud Ruthenos in Gallia
 beati Amantii Episcopi, cuius vita sanctitate &
 miraculis exstitit gloriosa. In Bithynia sancti Ioan-
 nici Abbatis. In Pannonia apud Albam Regalem
 depositio beati Emerici confessoris, filii sancti
 Stephani Hungarorum Regis. In monasterio Cerui
 frigid, territorij Meldensis sancti Felcis de Valois,
 Fundatoris Ordinis sanctissime Trinitatis, re-
 demptionis captiuorum. Treuiris sanctæ Mode-
 ste virginis.